

一儀一文同卷

輔六

熾盛光道場念誦儀
釋迦如來涅槃禮讚文

熾盛光道場念誦儀拾遺序

宋雲間沙門靈鑑述

宋天竺法師慈雲尊者以行光教示滅于錢塘天竺道場門弟子靈鑑以所稟法師道德化乎當世三昧行法施於後代發揚四種三

昧在乎斯文行法之盛不可以不紀於是拾其遺編獨有熾盛光道場念誦儀未廣流布遂更采諸文補助始末因舊五章增為七科新添示方法并釋疑示方法乃取於本經今造修者有據釋疑則華梵功等道俗兼該其間壇場儀軌今皇朝譯經三藏大卿圖紀行世此不委明餘皆沿襲舊文不忘乎本云爾

熾盛光道場念誦儀

宋天竺寺傳天台教觀沙門遵式撰

夫法儀施設在乎必當為主若言理有歸何須諍論除傳者不肖醍醐殺人熾盛光大威德真言者大聖垂愍別示神方雖言小異持

蓋功深難測專心暫誦立見有功豈在載言第一設壇場供養自有三意初示清淨處者經文但云於清淨處不別指方隅又云於國於家及分野處若定須間靜離於閭閻別求淨地者或若一家災難起時貧庶之士屋但

逾尋室唯方丈四迫隣舍傍遠精藍豈亦專令別求淨地若其無者便合坐受災耶理而推之決不然矣今作二意若貧者祇於所住遷於勝處便於淨地安立道場若大悲經中一徧畫地爲界或想到處爲界若災難變緣急準此便可持誦

若國王大臣及豪富者選取上處避喧遠穢迥絕之室及先非穢染或新立堂宇最爲第一若苾芻精舍亦選可知當於其處作誦呪場二立道場法若國王臣庶並須預空其屋淨潔掃灑香泥塗地隨着廣狹而安道場於

香壇上正面安釋迦像以曼殊普賢觀音等
像從之四方安護世四天王像壇中佛前安
忿怒明王像聖持迦忿怒金剛童子菩薩成
畫菩薩法取白髻用牛尿洗復用香水濯之
於間靜處對佛前舍利塔不應用皮膠和彩
色畫筆色盞須新者畫匠淨衣受八
齋戒勿吐氣以銜其像亦不與畫人論其價
直其像獨身從海涌出如吠瑠璃色身有六
臂臂膊膊膊相從海涌出如吠瑠璃色身有六
首戴寶冠狗牙上出口咬下唇標眉威怒又
於海中畫一寶山像以左足踏於寶山上
有妙蓮華以承其足右足在海中中立沒其
半膝右第一手持金剛杵作擲勢第二手持
母婆羅拏謂棒一頭如鐵杵形第三手持鐵
斧左第一手持棒一頭如鐵杵形第三手持鐵
舒頭指第三手持棒一頭如鐵杵形第三手持
以一切毒蛇膊劍臂劍腰條璣及耳璫繫

髮又以大蛇繞腰三匝身背圓光火鉢以設
圍繞於火鉢外有其雲電以相輔翼也
觀嚕形對之梵語設觀嚕此翻為宛即畫
宛家形於忿怒明王像前也餘
繞四壁列諸星曜淨居天等位供養取意自
裁三供養者並懸新繒蓋幡華玳果名香飲
食種種精美竭誠盡力若實貧乏亦隨已所
有盡出供養無令隱惜誑聖欺心
第二示方法
經云我今說過去娑羅王如來所說熾盛光
大威德陀羅尼除災難法若有國王及諸大
臣所居之處及諸國界或被五星陵逼羅睺

永樂北藏

熾盛光道場念誦儀

第一五三冊

慧孛妖星照臨所屬本命宮宿及諸星位或臨帝座於國於家及分野處陵逼之時或退或入作諸障難者是於清淨處置立道場念此陀羅尼一百八遍或一千遍若一日二日三日乃至七日依法修飾壇場至心受持讀誦一切災難悉皆消滅不能爲害乃至云若有苾芻苾芻尼族姓男族姓女受持讀誦此陀羅尼者能成就八萬種吉祥事能除滅八萬種不吉祥事等據於經文具乎四義一所消三障二能消勝法三明力用四顯陀羅尼

經云一切災難悉皆消滅一切之言包乎三障而業障經分明然由煩惱故有業業必招報也又內身外報災難等事是報障也專明內心是煩惱障也若起決定心動發身口必牽來報者是業障也若爾惡星災星異都不關心云何是業障答此乃外相表業將起是業責報之相業障感報故其相現前業障外彰報對不久若無方法何以禳之所以第二有能消方法若一日二日三日乃至七日誦此陀羅尼一百八遍表破一百八煩惱成就

百八三昧或一千遍成就千種法門故約三業持呪作三德方法以事表理但於清淨處置立道場處清淨身須沐浴以外明內表作法身念此陀羅尼欲知智在說表作般若至心受持信力故受念力故持擬作解脫作法

續六

四

若成必惡滅善生故第三明於力用夫人身本於不淨蓮華本於淤泥今近因三業規矩遠成三德妙義身業成能穰報障口業成能穰煩惱障至心能穰業障三業既消即成三德故第四顯陀羅尼體三障既其以轉理數

成於三德報障轉成法身德煩惱障轉成般若德業障轉成解脫德如此三法即陀羅尼三德妙體非空而空慧光熾盛非寂而寂具大威德遮九界惡持佛界善遮持不二舉一具三言三即一苟非三德祕呪安能成就八萬種吉祥事能除滅八萬種不吉祥事耶略示如此委陳行相如摩訶止觀具明

第三揀衆清淨

經云若有國界不安災難競起請清淨衆揀衆爲二一舊行清淨二入道場行清淨舊即

出家已來精翫律範定慧循修遍檢七支曾
無一過大集開其悔淨尚名汙道近世三學
難具四儀易顏但取隨分如法之僧不犯重
戒曾無醜露檀越信奉亦得清淨恐揀衆太
精世少良導若塵埃過甚三業彰露及爲貪
供養誑說清淨南山云人前似人屏處如鬼
天龍惡見鬼魅嗤謂如此又何能持呪却灾
乎又何能使列宿收光妖怪滅影乎二入道
場行清淨者衆雖舊行淨潔堪爲福田至入
道場更加嚴肅先須洗染新淨衣服料理威

儀令去就安庠生人善敬每日沐浴飲食洗
漱勿得語笑爲施主調諍瞻望堂室道場未
滿預籌信施喜恚多少非時湯果無度須索
飲食麤細勿起恚愛勿睡勿倚聲咳彈指警
喧俗舍當可意知勿使生人譏誚或爲國王
大臣彌加至誠肅清三業可以意知

第四誦呪法

夫誦呪法者歷覽念誦部諸文設軌不同今
取大意略示或禮佛前及禮後誦皆須一上
滿一百八徧據此文須厲聲令聲不得有間

如鑽火法若運手間斷則煙燄歇滅取火不成今亦如是又如蠅螬祝蟲爲子聲聲不絕呪成方罷今亦如是若一上發聲呪未滿百八則呪功不成所作空過兼有障難若水火事急起時須心念言我呪法未斷即來續之至去須心懸不斷中間不得接人言語來時復心念言我已復來續滿呪數除此急外餘事不得輒開若故開者定得障難宜專慎之切不得行來做作手運口誦及正誦持應接人語快須滿數然後作事兼並須界內或跪

或坐誦之輒不得離界又壇內若一日若二日至七日不得一彈指頃闕人誦呪唯除禮佛及飲食時多見時僧不識觸犯任意亂爲笑語不拘出入無度飲食不節恣食藥石果菰及食供養三寶并鬼神齋食坐立行住皆口誦呪不拘界內界外眼耳不禁聲色身心不奉節度非唯自生障道亦令施主返得災殃縱未現應亦全無益虛消信施不念地獄哀哉苦哉望善思之惡切之語不在讀過意在行持近世滋彰卒難改革有識之者寒

心思之

第五三業供養禮請陳意自爲七一者三業
供養二者奉請三寶三者讚歎三寶四者作
法持呪五者禮佛六者懺悔七者行道旋繞
將入道場先令一人持呪結界護持恐有留

難結界竟然後可以作法

第一行者修三業供養法

方法如法
華中所著

一切恭敬信禮常住三寶

一禮各想三寶性
海無能無所異竟

平等一切衆生同入此三寶海中起已
各胡跪手執香爐端身正意口自唱言

嚴持香華如法供養願此香華諸佛受用徧

滿一切佛法僧前諸天仙衆日月星宮爲光

明臺廣作佛事

運想如常

供養已一切恭信

第二行者召請三寶方法

各各胡跪手執香
爐一一專想召入

道場證明持呪放大光明照彼家國及其分
野爲除災難應當目注心存如見三寶聖衆

入於道場念念
不移肯者呪云

一心奉請總持教主釋迦牟尼佛

每位三請
運想如常

一心奉請南無過去娑羅王佛

一心奉請南無過去七佛未來彌勒賢劫千

佛十方三世一切諸佛

一心奉請南無陀羅尼藏一切密言清淨法寶

一心奉請南無忿怒明王金剛手菩薩摩訶

薩

聖捺迦金剛童子菩薩成就軌儀經中卷爾時金剛手菩薩告大眾言此忿怒

王有無量威德大神通力善能調伏難調伏故示諸方便從於三昧生此菩薩適纔

憶念一切鬼魅悉皆馳走一切惡心衆生皆當損壞一切災禍悉皆除滅經云此忿怒王菩薩即金剛手是壇場主彌加虔請必希降臨

一心奉請南無曷殊室利菩薩普賢菩薩觀

世音菩薩大勢至菩薩摩訶薩

一心奉請南無總持王菩薩金剛藏菩薩乃

十方一切菩薩摩訶薩

一心奉請南無聲聞緣覺一切賢聖僧

一心奉請南無梵釋天等淨居諸天護世四

鎮一切天衆

此位已下惟俗衆作禮比丘立

一心奉請南無遊空天衆九執大天二十八

宿十二宮神一切聖衆

一心奉請閻羅王界十八獄主主善罰惡一

切靈祇行病行藥行灾鬼王一切聖衆

一心奉請此所住處護伽藍神守正法者施爲

主此位不須請

一心奉請此一境邑靈壇社廟五聖王子城

隍神等一切聖衆

一心奉請施主宅內護宅龍神方隅禁忌坊

務庫店守護神衆宅中長幼宮宿元辰除

灾注福一切神衆

若國若家但看住處各有所事隨意加減周旋

三誦

上所奉請一切三寶釋迦牟尼娑羅王佛惟願不捨大慈大悲領諸眷屬到我所居受我供養及諸星曜一切靈祇各承三寶威光皆來集會我今此處作大吉祥誦持神呪惟願

守護使無留難今諸有情獲福無量

如是至三此召

請法但只入時用餘則削之須當懇告希聖降臨

第三讚歎三寶法

請三寶已東各起立合掌令施主手執香爐跪對三

寶專聽陳意須流淚懇告必取所成求大吉

禱除滅灾障心念三寶微妙功德口同宣偈

如來妙色身 世間無與等 無比不思議

是故今敬禮 如來色無盡 智慧亦復然

一切法常住 是故我歸依

讚歎已述建道場意回向善提所求吉祥隨意陳述

第四依法持呪

歡述竟衆各一禮胡跪同聲稱云

南無佛南無法南無僧南無釋迦牟尼佛南

無過去娑羅王佛

三稱竟即作是言

我今當誦過去娑羅王佛所說熾盛光大威

德陀羅尼曰

曩謨三滿哆

一母馱喃二

阿鉢羅

二底切丁以下

同賀多舍

四娑曩喃

五引但你也

二合他六噉

引佉佉

八佉佉

九吽吽

十入嚩囉

一入嚩囉

二鉢囉

三入嚩囉

三鉢囉入嚩

囉底瑟姤

二合下

底瑟姤

六瑟致哩

七瑟致哩

八娑發

二合下

吒娑發吒

十扇底

永樂北藏

熾盛光道場念誦儀

第一五三冊

迦二十室哩

二合曳二十娑嚩賀二十

此陀羅尼者一切如來同共宣說若有苾芻

苾芻尼族姓男族姓女受持讀誦此陀羅尼

者能成就八萬種吉祥事能除滅八萬種不

吉祥事乃至一切四眾聞佛所說皆大歡喜

第五禮佛方法行者既持呪竟應一心正身

威儀次第禮諸佛法身猶如虛空應物現形

如對目前一一皆然行者自知身心空寂影

現法界一一佛前悉有此身頭面頂禮令施

主隨禮一一起伏齊整勿令失儀唱云

一心頂禮本師釋迦牟尼佛徧法界諸佛

運想

如常

一心頂禮過去娑羅王佛徧法界諸佛

一心頂禮過去毗婆尸佛徧法界諸佛

一心頂禮過去尸棄佛徧法界諸佛

一心頂禮毗首尸佛徧法界諸佛

一心頂禮迦求村佛徧法界諸佛

一心頂禮迦那舍牟尼佛徧法界諸佛

一心頂禮迦葉佛徧法界諸佛

一心頂禮當來彌勒佛徧法界諸佛

一心頂禮十方三世諸佛賢劫千佛徧法界

諸佛

一心頂禮十方諸佛舍利形像支提寶塔

一心頂禮總持法藏大威德神呪及一切尊

經清淨妙法

輔六

一心頂禮忿怒明王金剛手菩薩摩訶薩

十

一心頂禮總持王菩薩金剛藏菩薩摩訶薩

一心頂禮觀世音菩薩大勢至菩薩摩訶薩

一心頂禮十方一切諸大菩薩摩訶薩

一心頂禮聲聞緣覺得道賢聖僧

跪膝手執香爐心念云我及衆生無始常爲三業六根重罪所障不見諸佛不知出要但順生死不知妙理我今雖知猶與一切衆生同爲一切重罪所障今對釋迦十方佛前普願衆生歸命懺悔惟願加護令障消滅

普爲梵釋四王遊空天等及一切衆生悉願消除三障歸命懺悔

第六懺願方法行者既禮佛竟即於法座前正身威儀燒香散華存想三寶罌塞虛空如對目前一心一意普與衆生行懺悔法生重慚愧發露無量劫來及至此生與一切衆生三業所造一切惡業斷相續心從於今日乃

至盡未來際終不更造一切惡業所以者何業性雖空果報不失了空之人尚不作善況復作罪若造罪不止悉是顛倒因緣則受妄果是故行者以知空故生大慚愧發露懺悔

逆順十心如常

至心懺悔我比丘補六歸命頂禮十方一切

常住三寶釋迦牟尼娑羅王佛舅殊室利忿怒明王金剛手菩薩摩訶薩等願起哀憐現前明證我與法界一切衆生心性平等威德熾盛具足總持同佛所證清淨涅槃最上安

永樂北藏

熾盛光道場念誦儀

第一五三冊

樂我無始來迷惑不了隨無明流於生死中
受諸熱惱為身口意造諸惡業十不善法五
逆七遮破佛律儀侵損常住謗法謗人謗無
因果如是罪障無量無邊當墮阿鼻及諸地
獄畜生餓鬼惡道受身百劫千劫永無出期
以惡業故現感災殃五星陵逼本命宮宿及
諸星位羅睺彗孛妖怪惡星作諸障難或現
身疾病王法所加水火盜賊劫奪漂燒冤家
謀害諸惡橫事厭禱呪詛一切不祥今奉本
師釋迦文佛教我誦持威德神呪如長災難

皆悉滅除一切吉祥令得成就惟願世尊諸
大菩薩受我懺悔滿我所求令我熏修莊嚴
福慧弘通佛法開化衆生三寶光揚法燈相
續諸天星宿增長威權風雨以時護持國界
聖君聖化臣宰忠賢萬姓四民各臻福壽十
方信施父母師僧法界衆生一切含識三障
消除同成佛道

懺悔已歸
命禮三寶

為施主當誦此文

至心懺悔我在家弟子

某甲

稽首歸命十方

三世三寶本師釋迦牟尼佛等娑羅王佛七

佛世尊惟願大慈大悲受我懺悔我與法界一切衆生無始迷妄隨貪瞋癡造諸惡業由惡業故墮在三塗受諸苦報罪畢得出偶受人身惡習難除餘業殘報及以今生更造殺生劫盜嗜酒貪非欺誑無道背理求財以是因緣未來惡報現感灾殃橫羅惡事或五星陵逼羅睺計都孛孛妖怪鎮臨宮宿灾難並起種種侵陵及宿世冤家競相謀害諸惡橫事口舌厭禱呪詛毒藥官事所牽禁繫枷鎖受諸楚痛水火盜賊劫奪漂焚錢財舍宅一

判六

十二

切破壞所有眷屬離間鬭爭互相殘害如是等種種惡報由心所生慚愧剋責今日嚴淨道場歸命三寶諸佛賢聖惟願悉來受我懺悔發露衆罪不敢覆藏燒香散華誦持神呪作除障難法求大吉祥一切惡曜灾星傍臨正照冤家呪詛諸不言祥永得消除無使侵害又願十方三寶菩薩天仙威德呪王加持覆護變灾爲福皆得吉祥富足錢財充盛眷屬所求皆得一切隨心飲食豐盈壽命長遠六親和穆園苑滋榮長幼同心常奉三寶深

永樂北藏

熾盛光道場念誦儀

第一五三冊

信因果無敢為非讀誦大乘願求淨報生生之內常住佛家受受之身行菩薩道又願

皇帝聖主仁慈廣大覆育黎甿昨雨順風祥邊安中靜州縣官屬常受寵恩彌加清顯境邑之內百姓咸安慧宇諸星不與災難然後虛

空法界六道四生我此道場所有一切

回向同成佛道

懺悔發願已歸命禮三寶

第七行道方法

行者當正身威儀右儀法座安摩徐步稱三寶名課誦經

典了音聲性空亦知身心如雲如影舉足下足心無所得亦知此身影現十方充滿法界無不善現圍繞諸佛三寶稱云

南無佛 南無法 南無僧 南無釋迦牟尼佛

南無娑羅王佛 南無過去七佛

南無十方諸佛 南無熾盛光陀羅尼

南無總持王菩薩 南無金剛手菩薩

南無勇殊室利菩薩 南無普賢菩薩

南無觀世音菩薩 南無大勢至菩薩

南無十方一切菩薩摩訶薩

三稱已誦懺威光經供養三寶然後三歸依

自歸依佛當願衆生體解大道發無上心

自歸依法當願衆生深入經藏智慧如海

自歸依僧當願衆生統理大眾一切無礙和

南聖衆

克方共生食此是初日法餘時但除召請一日乃至七日晝夜準此

第六釋疑

疑者曰斯經作法專以持呪爲主近孤山法師於請觀音記中不許梵誦故今華音不遵

梵誦有梵誦者排彼華音疑旣在心功何成就釋曰華梵兩存適時之變依法持誦功力弗殊其有偏弘恐妨通論如無梵學指教可以從華若其專據華音不許梵誦則二合三合之例無用空翻荆溪云當知西方有三合

聲如翻譯流類有音字俱翻如如是我聞等諸顯教能詮若翻字不翻音如陀羅尼或句

絕處引或有須急呼斯皆譯人指示此方聲勢故僧傳十科翻譯爲首智者詳之無勞致惑或曰變災爲福報應之說出乎釋典儒宗

輔六

十四

則天命所賦何所祈禳解曰尚書金縢歷代所寶遇有災變開取其法以禳之又曰作善降之百祥作不善降之百殃周易所謂一言善千里之外應之一言不善千里之外違之況其邇者乎如宋景公一言善熒惑三徙布

在方冊明如日星有見作法持呪即引仲尼云吾禱久矣且仲尼聖人也聖人無過言豈虛哉仲尼之徒皆其弟子同乎聖人無過豈免濫聖之非且子夏喪明乃云天乎予之無罪友人謂曰子居河上人疑汝如夫子而罪一也親奉聖師尚惑之徇名之徒堅守偏見雖曰排釋實是破儒或云此法專爲國主大臣一切庶民及諸眷屬除災難法得大吉祥出家之人視身如寄小乘乃無常苦空念念生滅大乘則心安實相造境即中何灾可

消何福可懷今謂不然經云若有苾芻苾芻尼族姓男族姓女受持讀誦此陀羅尼者能成就八萬種吉祥事能除滅八萬種不吉祥事據乎經文何隔道俗聖人以祕密語詮微妙法非凡所知況三乘行人引道修行或遇梵命及諸灾難障乎道法不得熏修詎有守愚弗遵勝法世有苟名之徒挾邪拒正如經所謂口雖說空行在有中見有變灾爲福之言又弗細尋經旨便云俗事豈非偏執且生善滅惡諸經率同何非此而是彼乎如金光明

第六

十五

中惡星災異今當聽是經請觀音經生身十地未免虎狼師子等難當須稱名持呪在聖尚然居凡奚捨縱是內有實德必須外假熏修障道因緣以之寂滅是故經云功德無比良在茲焉

第七誠勸檀越

夫修福慧之門置於菩提之道實難實易得之即易失之即難如善鑽搖醍醐可獲其不善者漿猶難得此亦如是善用心者一華一香功等虛空一偈一句累滅道成其不善者

人天近果尚失何況菩薩勝因夫沙門者名世間眼世間盲瞶即須導之不然則非沙門如來遺囑令無慳吝法財施人既奉聖言故斯誠勸近見檀越之家深有信向請僧歸舍設食讀經望其福慧勞力損財無善儀則敬慢不分是非寧別或倚恃豪富或放縱矜高反言衣食庇廕門僧請喚道場便言思寺趨瞻失節朗責明訶鋪設法筵穩便驅使門僧無識恐失依棲苦事先為免勞施主縱有法則豈敢輒言檀越不詢門僧不說訛謬之迹

永樂北藏

熾盛光道場念誦儀

第一五三冊

自此滋彰不掃廳堂便張法席未斷葷穢輒請聖賢至於迎像延尊殊不避座旋踵致敬儒典所謂過尊之位必趨況其三寶荆溪大師云凡建道場應先嚴淨然後請像世人口云求道滅障置道場時令愚童慢豎猥服

十六

十六

形云將像來取像去以此觀之可悲之甚又云雖置道場傲慢尊像反招罪累滅障良難又經云佛滅後供養像者與在世無別云何世人視同土木迎之大慢禮時薄敬而怪無福報者可弗暫思又石壁大師云斷莫齋筵

不如禮席誠哉此言誰肯暫聽徒喪財力實無福報故使世間貧窮者多富足者少由此而然今觀檀越常親有識請問佛法甚深福慧云何修行下氣低心屈膝接足敬奉爲師凡設法筵先往取則嚴灑廳觀齋潔身心名香異華瓊果美食預備支儲請迎勤重承接衆僧虔想十方三寶衆聖來入我家慚悚驚惶如僕奉大家如婆羅門事火遵依法式不得師心勿憚勤勞事事供給皆可意裁此事千條不可盡說今略示五事粗可行持第一

欲陳法會家中長切盡須同心去其酒肉五
辛等物施主每日隨僧禮佛陳吐懺悔第二
當齋僧次躬須給侍不得坐於僧上稱是主
人放縱談笑第三佛前供養須倍於僧凡聖
等心事事精細第四盡其所惜施佛及僧勿
得隱細用麤世世招失意果報第五道場緩
急不得使僧比是福田翻為僮僕豈得然乎
我今此說智者知之有愚者為擅越之家嫌
難遵奉門僧無識見有揀衆之言恐為所鄙
不能盡行吾知此文將被燒滅願

卷六

十七

十方三寶及有識者同力護持

熾盛光道場念誦儀

釋迦如來涅槃禮讚文序

宋 霅谿 沙門 仁岳 撰

儒家流有終身之憂者考妣遠日之謂也釋
氏子豈不然乎彼所以思生我劬勞之親此
所以懷度我慈悲之父其德同極其孝攸同